


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-22	Al-Hajj	78	10	Madaniyyah	Ke-103	6



Zaman Diturunkan Surah Dan Latar Belakangnya

1. Surah al-Hajj adalah Surah Makkiyyah dan juga Madaniyyah, di dalam surah ini terdapat kedua-dua warnanya. 24 ayat di permulaan surah, besar sekali kemungkinannya diturunkan pada tahun ke-13 Kenabian sebelum hijrah. 54 ayat selebihnya diturunkan di Madinah sebaik sahaja berlaku peristiwa hijrah. Pada tahun pertama Hijrah, selain Surah al-Hajj, turun juga Surah at-Taghabun, pada tahun ke-2 Hijrah, turun Surah al-Baqarah dan juga Surah at-Thalaq. Sebelum peperangan Badar pada bulan Ramadhan tahun ke-2 Hijrah, turun Surah Muhammad. Selepas perang Badar pula turun Surah al-Anfaal. Itu adalah zaman di mana gerakan Islam sedang memasuki era baharu dalam keadaan cukup sensitif. Setelah berda'wah selama 13 tahun, dizalimi dan dianiayai, juga setelah bermacam-macam perancangan jahat dirancang terhadap Rasulullah termasuk untuk menghalau Rasulullah dari Mekah dan juga membunuh Baginda, ketika itulah Allah mentaqdirkan Madinah al-Muawwarah sebagai pangkalan pergerakan Islam. Di situ lah asas negara Islam mula bertapak.
2. Surah al-Hajj adalah surah pertama di mana orang-orang Islam diperintahkan supaya berperang demi mempertahankan diri, sebelum itu anak-anak muda Islam dipesan agar mengawal diri daripada bertindak balas **كُفُّوا أَيْدِيكُمْ** (an-Nisaa', Ayat: 77).
3. Di dalam surah ini juga disebutkan kesalahan-kesalahan dan jenayah-jenayah yang dilakukan pemimpin-pemimpin kafir Quraisy, dikemukakan juga di dalamnya keharusan berperang dan berjihad menentang mereka. Pemimpin-pemimpin Quraisy yang angkuh tidak lagi mengikut jejak langkah moyang mereka Nabi Ibrahim a.s., mereka terlibat dalam kesyirikan dan keraguan terhadap kewujudan hari kemudian. Saki-baki sembahyang, tawaf dan ibadat-ibadat haji yang ditinggalkan Nabi Ibrahim telah pun dipenuhi dengan bermacam-macam bid'ah. Dengan membuat undang-undang halal dan haram dengan sendiri, mereka telah mencabar haakimiyyah Allah. Walaupun mereka terlibat dengan aqidah-aqidah yang salah dan jenayah-jenayah yang begitu berat, namun mereka masih lagi menjadi orang-orang yang bertanggungjawab menjaga Ka'bah. Kemuliaan orang-orang Quraisy di mata orang-orang Arab yang lain di serata negeri disebabkan mereka menjaga Ka'bah. Ekonomi orang-orang Quraisy bergantung kepada perdagangan semata-mata, ia menjadi maju kerana kedudukan keagamaan mereka di sisi orang-orang Arab. Pemimpin-pemimpin Quraisy Mekah sebenarnya adalah orang-orang yang dianggap sebagai ketua-ketua agama yang kosong jiwa mereka daripada takutkan Allah dan hari kemudian, keadaan mereka tak ubah seperti boneka atau patung yang kosong daripada roh ajaran agama Nabi Ibrahim yang sebenarnya. Walaupun begitu, tanpa ada alasan logik dan warisan keagamaan yang sah, mereka tetap berbantah dan mempertikaikan kebenaran yang dibawa oleh Rasulullah s.a.w. semata-

mata berasaskan kesombongan dan keangkuhan mereka.

Perkaitan Surah Al-Hajj Dengan Surah Sebelum Dan Selepasnya

1. Di dalam Surah al-Anbiya' telahpun dinyatakan bahawa sekalian nabi menyeru manusia kepada ajaran tauhid. Muhammad s.a.w. adalah mata rantai terakhir para nabi dan merupakan rahmat untuk sekalian alam. Baginda adalah pewaris sebenar ajaran Nabi Ibrahim a.s., orang-orang yang mendustakan Baginda akan mendapat kecelakaan. Kecelakaan yang telah dibayangkan di dalam surah yang lalu telahpun menjadi kenyataan apabila di dalam Surah al-Hajj ini, buat pertama kalinya orang-orang Islam yang teraniaya dibenarkan memerangi orang-orang musyrikin yang zalim demi mempertahankan diri.

أَذْنَ لِلَّذِينَ يَقْتَلُونَ بِأَنَّهُمْ ظَلَمُوا وَإِنَّ اللَّهَ عَلَىٰ نَصْرِهِمْ لَقَدِيرٌ ﴿٣﴾

39. Diizinkan berperang bagi orang-orang (Islam) yang diperangi (oleh golongan penceroboh), kerana sesungguhnya mereka telah dianiaya; dan sesungguhnya Allah Amat Berkuasa untuk menolong mereka (mencapai kemenangan).

Pada tahun berikutnya iaitu pada tahun ke-2 Hijrah, berlakulah perperangan Badar di antara orang-orang Islam dan orang-orang kafir Mekah, dalam perperangan itu ternyata orang-orang Islam mendapat kemenangan.

2. Di dalam Surah al-Mu'minun akan datang dikatakan bahawa untuk orang-orang Islam mendapat kemenangan dalam menghadapi orang-orang musyrikin Quraisy di masa-masa akan datang, mereka sangat-sangat memerlukan iman yang kukuh dan amal shaleh yang teguh.

Beberapa Kata Kunci Dan Tema Utama Surah

1. Di dalam surah ini dikemukakan perbandingan di antara dua kepimpinan yang berlainan ideologi.

Di dalam surah ini, perbandingan di antara pimpinan musyrikin Mekah dan pimpinan Rasulullah s.a.w. dikemukakan. Sikap dan pendirian penyokong masing-masing juga dikemukakan هَذَا نَحْنُ مُخْرِجُوهُمْ (Ayat: 19). Untuk mengetahui perbandingan di antara dua kepimpinan tersebut itu dikemukakan di bawah ini satu jadual.

Perkara Dan Rujukan	Kepimpinan Musyrikin Quraisy	Kepimpinan Orang-Orang Islam
1. (dizalimi) ظَلَمُوا (Ayat: 39), (diusir) أَخْرَجُوهُمْ (Ayat: 40)	Mereka adalah penzalim yang mengusir orang-orang Islam keluar dari Mekah	Mereka dizalimi dan terpaksa berhijrah

2. Ragu dan syak terhadap hari akhirat (Ayat: 5, 7)	Ragu dan tidak percaya kepada syurga, neraka, hari akhirat dan hari pembalasan	Percaya dan yakin sepenuhnya tentang adanya hari akhirat dan hari pembalasan
3. Tauhid ibadat (Ayat: 11, 71, 77)	Beribadat kepada selain Allah disamping beribadat juga kepada Allah	Hanya beribadat kepada Allah
4. Tauhid doa (Ayat: 12-13)	Berdoa kepada selain Allah	Berdoa hanya kepada Allah
5. Keadaan tuhan yang diseru dan disembah (Ayat: 13, 78)	<p style="text-align: center;">لَبْسَنَ الْمَوْلَى وَلَيَتَسْ أَعْشِيرُ ﴿١٣﴾</p> <p>13. Demi sesungguhnya seburuk-buruk penolong dan seburuk-buruk sahabat karib ialah makhluk yang diseru dan disembahnya itu.</p>	<p style="text-align: center;">فَنِعْمَ الْمَوْلَى وَنِعْمَ الْتَّصِيرُ ﴿٧٨﴾</p> <p>78. Dialah sahaja sebaik-baik Pelindung dan sebaik-baik Pemberi pertolongan.</p>
6. Mengkhianati amanah tauhid إِنَّ اللَّهَ لَا يُحِبُّ كُلَّ خَوَانِ كُفُورٍ	Kepimpinan yang sangat خوان (sangat khianat), dan sangat كفور (sangat tidak bersyukur) yang tidak layak menjaga Ka`bah	Kepimpinan yang mewarisi agama Nabi Ibrahim dan memperjuangkan agama tauhid, mempunyai kelayakan yang cukup untuk menjaga Ka`bah
38. Sesungguhnya Allah tidak suka kepada tiap-tiap seorang yang khianat, lagi tidak bersyukur.		
7. Cara berbahas (Ayat: 3, 8 dan 68)	Penolakan dan bantahan mereka terhadap ajaran Islam tidak berdasarkan ilmu, dalil, bukti, petunjuk dan kitab	Kepimpinan yang mempunyai dalil `aqli dan naqli yang cukup, mereka mempunyai akhlak dan peribadi mulia berpandukan wahyu ilahi
8. Haq dan bathil (Ayat: 62)	Pemimpin-pemimpin yang memperjuangkan dan menegakkan kebathilan. منْ دُونِ اللهِ adalah bathil	Kepimpinan yang mendokong dan menegak kebenaran dan memperjuangkannya. وَأَنَّ اللَّهَ هُوَ الْعَلَيُّ الْكَبِيرُ

2. Perbantahan orang-orang musyrikin tanpa ilmu dan dalil.

Di dalam Surah al-Hajj tersebut tiga kali perbantahan orang-orang musyrikin Mekah tanpa dalil dan ilmu (Ayat: 3, 8 dan 68).

- (a) Dikatakan dengan terang bahawa orang-orang musyrikin menentang seruan Rasulullah s.a.w. tanpa mempunyai alasan ilmu yang kukuh, mereka hanya mengikut syaitan yang terkutuk (Ayat: 3).
- (b) Dikatakan dengan terang bahawa orang-orang kafir Quraisy tanpa dalil dan bukti daripada kitab telah menolak seruan Rasulullah s.a.w. (Ayat: 8).
- (c) Rasulullah s.a.w. ditenangkan dengan kenyataan bahawa Allah amat mengetahui tentang cara perdebatan orang-orang Quraisy itu dan akan membuat keputusan terhadapnya pada hari kiamat nanti (Ayat: 68).

3. Keraguan tentang hari akhirat.

Kepada orang-orang yang ragu tentang hari kebangkitan dan hari akhirat dan menolaknya, dikemukakan satu dalil آفقي bahawa manusia akan tetap dibangkitkan dari kubur-kubur mereka dan kiamat pasti akan berlaku (Ayat: 5-7). Kepada orang-orang yang tidak percaya itu dikatakan, mereka akan terus berada dalam keraguan hingga hari kiamat (Ayat: 55).

4. Dua sikap berhubung dengan tauhid doa.

- (a) Sikap pertama adalah sikap orang-orang musyrikin yang sesat, mereka menyeru orang-orang yang tidak dapat memudharatkan dan memberi apa-apa faedah kepada mereka (Ayat: 12).

يَدْعُوا مِنْ دُونِ اللَّهِ مَا لَا يَضُرُّهُ وَمَا لَا يَنْفَعُهُ ذَلِكُ هُوَ الظَّلَالُ الْبَعِيدُ ﴿٦﴾

- (b) Berbeza keadaannya dengan sikap Rasulullah s.a.w. yang diarahkan supaya hanya menyeru dan berdoa hanya kepada Allah (Ayat: 67).

وَادْعُ إِلَى رَبِّكَ إِنَّكَ لَعَلَى هُدَىٰ مُّسْتَقِيمٍ ﴿٧﴾

5. Di dalam surah ini disebutkan tentang نعم المؤْلَى (pelindung terbaik) dan بُشْرَى المؤْلَى (pelindung terburuk) (Ayat: 78 dan 13).

- (a) Di dalam ayat ke-78 di akhir Surah al-Hajj tersebut perkataan نِعْمَ الْمَوْلَى sebagai jawapan kepada apa yang tersebut di dalam ayat ke-13 surah yang sama iaitu لِيُسَّ الْمَوْلَى وَلِيُسَّ الْعَشِيرُ.
- (b) Manusia apabila berdoa kepada مِنْ دُونِ الله bererti mereka telah sampai ke kemuncak kesesatan, mereka sebenarnya berdoa kepada makhluk yang merupakan لِيُسَّ الْمَوْلَى وَلِيُسَّ الْعَشِيرُ iaitu pelindung yang paling jelik dan teman yang paling teruk. نِعْمَ الْمَوْلَى adalah pelindung dan pembantu yang terbaik.

6. Dua sunnatullah terhadap manusia-manusia yang durjana, pertama diberi peluang dan seterusnya

dihukum. Di dalam ayat 44 dan 48 surah ini, dua sunnatullah tersebut dikemukakan.

- (a) Sunnatullah yang pertama ialah Allah memberikan peluang kepada kaum yang zalim dengan melewatkannya azab terhadap mereka, balasan buruk tidak terus diberikan. Untuk menggambarkan sunnatullah itu, perkataan أَمْلَيْتُ digunakan.
- (b) Sunnatullah kedua ialah menghukum setelah diberikan peluang, untuk menjelaskan maksud sunnatullah yang kedua ini digunakan perkataan أَخَذْتُ (Ayat: 44)

وَمَلِئْتُ لِلْكُفَّارِ ثُمَّ أَخَذْتُهُمْ فَكَيْفَ كَانَ تَكْبِيرٌ ﴿٤٤﴾

(Ayat: 48).

وَكَأَنَّ مِنْ قَرْيَةٍ أَمْلَيْتُ لَهَا وَهِيَ ظَالِمَةٌ ثُمَّ أَخَذْتُهَا وَإِلَيَّ أَتَصِيرُ ﴿٤٨﴾

7. Berita gembira untuk orang-orang muhajirin yang dizalimi.

- (a) Di dalam surah ini diberikan berita gembira kepada orang-orang Islam yang dizalimi dengan diusir keluar daripada rumah-rumah mereka tanpa sebenar, bahawa Allah pasti akan menolong mereka yang berusaha untuk menegakkan agamanya (Ayat: 40).

الَّذِينَ أُخْرِجُوا مِنْ دِيْرِهِمْ يَغْيِرُ حَقًّا إِلَّا أَنْ يَقُولُوا رَبُّنَا اللَّهُ وَلَا دَفْعَ اللَّهِ الْنَّاسَ بِعَصْمَهُمْ بِعَصْمِ الْهَمَدِ مَثْ صَوْمَعْ وَبَيْعَ وَصَلَوَاتْ وَمَسَاجِدْ يُذْكُرْ
فِيهَا أَسْمَ اللَّهِ كَبِيرًا وَلَيَنْصُرَنَّ اللَّهُ مَنْ يَنْصُرُهُ إِنَّ اللَّهَ لَقَوْيٌ عَزِيزٌ ﴿٤٩﴾

- (b) Orang-orang yang syahid ketika dalam perjalanan hijrah diberikan berita gembira akan mendapat rezeki yang elok (Ayat: 58).

وَالَّذِينَ هَاجَرُوا فِي سَبِيلِ اللَّهِ ثُمَّ قُتِلُوا أَوْ مَاتُوا لَيَرْزَقَنَّهُمُ اللَّهُ رِزْقًا حَسَنًا وَإِنَّ اللَّهَ لَهُ خَيْرُ الْرِّزْقِينَ ﴿٥٨﴾

8. Di akhir surah ini diperintahkan supaya umat Islam bermujahadah betul-betul di jalan Allah. وَجَاهُهُوْ فِي جَهَادِهِ اللَّهُ حَقٌّ جَهَادٌ.

- (a) Jihad bukan sekadar perang, bahkan ia meliputi segala usaha dan perjuangan yang lain. Jihad boleh dilakukan dengan lidah, pena dan juga pedang. Menegakkan keadilan dan kesaksamaan juga termasuk dalam jihad. Rasulullah s.a.w. pernah ditanya: "Siapakah orang mu'min yang paling utama?" Jawab Baginda: مُؤْمِنٌ يُجَاهِدُ بِنَفْسِهِ وَمَالِهِ فِي سَبِيلِ اللَّهِ Bermaksud: "Orang mu'min yang berjihad di jalan Allah dengan nyawa dan harta bendanya" Hadits riwayat Muslim, hadits 4,995.
- (b) Jihad bermula sebaik sahaja seseorang memeluk agama Islam dan menganut aqidah tauhid yang betul. Ia juga berlaku dalam usaha manusia mengadakan hubungan dengan Allah dan merentasi darjat-darjat kesabaran ketika berhijrah dan akhirnya ketika berperang demi menegakkan agama Allah. Ia

dilakukan demi tertegaknya agama Islam untuk membela keadilan.

- (c) Daripada perkataan **حقّ جهادٍ** dapat diketahui bahawa manusia janganlah berusaha mengikut acuan fikiran sendiri, ia hendaklah berpandukan Qur'an, Sunnah dan amalan para sahabat. **حقّ جهادٍ** juga bererti mewaqafkan segala bakat dan usaha untuk kepentingan agama.
- (d) Orang-orang yang menegakkan kebenaran akan terus berjihad hingga ke hari kiamat, Rasulullah s.a.w. bersabda: **لَا تَرَانَ طَائِفَةً مِنْ أُمَّتِي يُقَاتِلُونَ عَلَى الْحَقِّ ظَاهِرِينَ إِلَى يَوْمِ الْقِيَامَةِ** Bermaksud: "Akan terus ada satu golongan dari umatku, mereka berjuang di atas landasan kebenaran dan akan terus berjuang hingga hari kiamat. Hadits riwayat Muslim, hadits 412.
- (e) Termasuk dalam **حقّ جهادٍ** juga segala ijtihad yang dilakukan oleh para 'ulama' dan mujtahidin yang mencari penyelesaian terhadap masalah-masalah yang baru timbul berpandukan al-Qur'an dan as-Sunnah.
- (f) Termasuk dalam jihad juga usaha untuk menegakkan agama Islam dan menuntut ilmu. Rasulullah s.a.w. ada bersabda: **مَنْ خَرَجَ فِي طَلَبِ الْعِلْمِ فَهُوَ فِي سَبِيلِ اللَّهِ حَتَّىٰ يَرْجِعَ** Bermaksud: "Sesiapa yang keluar untuk menuntut ilmu bererti dia berada di jalan Allah sehingga ia pulang (ke rumahnya)". Hadits riwayat Tirmizi, dha'if, hadits 2,647

9. Empat tanggungjawab kerajaan Islam.

Di dalam surah ini dinyatakan kepada orang-orang Islam bahawa tujuan jihad ialah untuk menegakkan sebuah negara Islam yang adil, di dalam ayat 41 dinyatakan empat tanggungjawab utama negara Islam:

(1) Mendirikan sembahyang (2) Menegakkan sistem zakat (3) Menyuruh orang ramai melakukan kebaikan (4) Menegah daripada melakukan perkara mungkar.

10. Nama sebenar orang-orang Islam ialah Muslimin.

Di akhir surah ini iaitu pada ayat ke-78 disebutkan bahawa Allah s.w.t. menamakan orang-orang Islam yang berhijrah dengan **الْمُسْلِمِينَ**, mereka dipilih untuk memimpin seluruh dunia hingga ke hari kiamat **هُوَ**, mereka dituntut supaya menjaga ajaran tauhid yang diwarisi daripada Nabi Ibrahim a.s. dan menyampaikan dengan penuh tanggungjawab ajaran itu hingga ke akhir zaman **تَكُونُوا شُهَدَاءَ عَلَى النَّاسِ**.

11. Asas perpaduan dan kesatuan umat Islam.

Untuk meneguhkan negara Islam, umat Islam diperintahkan supaya berpegang teguh dengan agama Allah **وَاعْصِمُوا** supaya dengan adanya perhubungan dengan Allah itu mereka dapat memperkuuh dan meneguhkan masyarakat Islam.